

Broj: 03-04-1051-8/2025
Sarajevo, 26.09.2025. godine

PARLAMENT FEDERACIJE BOSNE I HERCEGOVINE

Predstavnički dom

gosp. Bajro Makić, poslanik
gosp. Ivan Miličević, sekretar ✓

Predmet: Odgovor na poslaničko pitanje

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 26-09-2025			
Org. jed.	Broj	Priloga	Vrijednost
05/1	- 02 -	261	/25

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva energije, rudarstva i industrije, broj: 13-02-4-983/25 od 02.09.2025. godine, koji sadrži odgovor na poslaničko pitanje, koje je postavio poslanik Bajro Makić.

S poštovanjem,

SEKRETAR VLADE
dr. sci. Edita Kalajdžić

Prilog: kao u tekstu

Broj: 13-02-4-983/25
Sarajevo, 02.09.2025. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Generalni sekretarijat Vlade Federacije Bosne i Hercegovine
n/r dr. sci. Edita Kalajdžić, sekretar Vlade

FEDERACIJA BOSNE I HERCEGOVINE VLADA Sarajevo			
PRIMLJENO: 26.09.2025			
Organizaciona jedinica	Klasifikaciona oznaka	Redni broj	Broj priloga
03-04-1051-8		1025	

PREDMET: Zastupničko pitanje, odgovor- dostavlja se.-

Poštovani,

U prilogu Vašeg akta, broj: 03-04-1051-8/25 od 02.06.2025.godine, dostavili ste ovom Ministarstvu, radi odgovora u skladu sa nadležnostima, zastupničko pitanje koje je na 21. redovnoj sjednici Zastupničkog doma Parlamenta Federacije BiH održanoj 28.05.2025. godine, postavio zastupnik Bajro Makić.

Zastupničko pitanje glasi:

Da li su ispoštovane procedure propisane Zakonom o zaštiti tajnih podataka („Službene novine Federacije BiH“, br. 54/05 i 12/09) prilikom snimanja i prikazivanja pogona namjenske industrije u Federaciji?
Ovo Ministarstvo vas obavještava o sljedećem:

U članu 17. Zakona o proizvodnji i prometu naoružanja i vojne opreme u Federaciji Bosne i Hercegovine („Službene novine Federacije BiH“, broj: 79/07) (u daljem tekstu: Zakon) je propisano:
„Pod tajnim podacima proizvodnje i prometa NVO podrazumijevaju se podaci o:

1. planovima proizvodnje NVO i njihovom ostvarenju;
2. programima istraživanja i razvoja NVO;
3. kapacitetima za proizvodnju NVO;
4. tehnološkom postupku proizvodnje NVO i konstruktivnoj dokumentaciji;
5. uvozu i izvozu NVO.

Za čuvanje tajnih podataka iz prethodnog stava odgovorni su organi upravljanja i zaposlenici privrednog subjekta“.

U skladu sa stavom (2) tačka 3. prethodno navedenog člana 17. Zakona jasno je da pogoni privrednih društava namjenske industrije spadaju u kapacitete za proizvodnju naoružanja i vojne opreme.


Također, Federalna direkcija za namjensku industriju (u daljem tekstu: Direkcija) je članom 18. Zakona ovlaštena da vrši nadzor nad planiranjem i provođenjem zadataka i poslova sigurnosti i zaštite iz oblasti proizvodnje i prometa NVO, navedenih u članu 17. Zakona.

Pozivajući se na član 18. Zakona, privredna društva namjenske industrije sa većinskim udjelom kapitala u državnom vlasništvu, su obavezna obavijestiti i tražiti saglasnost Direkcije o ulasku trećih lica u krug namjenskih firmi kao i pristup proizvodnim pogonima.

U saglasnosti, ukoliko se odobri ulazak, precizno se definiše način posjete i određuje kojim dijelovima privrednog društva se smije pristupiti. U većini slučajeva to je samo zgrada Uprave društva, a samo u izuzetnim slučajevim odobrava se i pristup proizvodnim pogonima uz obavezno odlaganje svih elektronskih uređaja pogodnim za snimanje.

Federalna direkcija za namjensku industriju u prethodnom periodu nije zaprimila zahtjev privrednih društava namjenske industrije Federacije BiH za saglasnost ulaska bilo kojeg medija ili medijske kuće u svrhu posjete ili snimanja bilo kojeg privrednog društva namjenske industrije niti njihovih proizvodnih pogona.

S poštovanjem,



Dostaviti:

- Naslovu
- Evidenciji
- a/a